



## TOSHKENT DAVLAT YURIDIK UNIVERSITETI REKTORINING B U Y R U G ' I

18.03.2024

46-um-son

### Navro'z umumxalq bayramini yuqori saviyada kutib olish va o'tkazish to'g'risida

O'zbekiston Respublikasi Prezidentining 2024-yil 4-martdagi "2024-yilgi Navro'z umumxalq bayramiga tayyorgarlik ko'rish va uni o'tkazish to'g'risida"gi PQ-113-son qarori, O'zbekiston Respublikasi Vazirlar Mahkamasida 2024-yil 11-mart kuni o'tkazilgan 2024-yilgi Navro'z umumxalq bayramiga tayyorgarlik ko'rish va uni o'tkazish bo'yicha tashkiliy qo'mita yig'ilishining 16-son bayonida hamda O'zbekiston Respublikasi adliya vazirining 2024-yil 15-martdagi "Hashar o'tkazish haqida"gi 95-um-son buyrug'ida belgilangan vazifalar ijrosini ta'minlash hamda "Navro'z" umumxalq bayramini Toshkent davlat yuridik universiteti (bundan buyon matnda – Universitet)da yuqori saviyada tashkil etish, milliy qadriyat va an'alarimizni keng targ'ib qilish, universitet xodim va talabalarini milliy qadriyat va an'alarimizga hurmat ruhida tarbiyalash, Universitet binolari va hududini obodonlashtirish, "Yashil makon" umummilliy loyihasi doirasidagi ko'klamzorlashtirish tadbirlarini davom ettirish shuningdek aholining ijtimoiy himoyaga muhtoj qatlamlarini qo'llab-quvvatlash maqsadida

### B U Y U R A M A N:

1 O'zbekiston Respublikasi Prezidentining 2024-yil 4-martdagi PQ-113-son qarori, O'zbekiston Respublikasi Vazirlar Mahkamasida 2024-yil 11-mart kuni o'tkazilgan 2024-yilgi Navro'z umumxalq bayramiga tayyorgarlik ko'rish va uni o'tkazish bo'yicha tashkiliy qo'mita yig'ilishining 16-son bayonida hamda O'zbekiston Respublikasi adliya vazirining 2024-yil 15-martdagi "95-um-son buyrug'i ma'lumot va ijro uchun qabul qilinsin.

2. Toshkent davlat yuridik universitetida **"Olam nurga to'lsin sen bilan Navro'z"** degan bosh g'oya ostida bayram tadbiri umumxalq sayllari shaklida keng nishonlansin.

Bunda bayram sayllari:

talabalar uchun 2024-yilning 19-mart kuni Universitet Talabalar turar joylarida;

xodimlar uchun aprel oyining ikkinchi o'n kunligida belgilangan joylarda keng miqyosda tashkil etilsin.

3. "Navro'z" umumxalq bayrami hamda muborak Ramazon oyini munosib kutib olish maqsadida universitet va uning tizimidagi ta'lim muassasalari mehnat jamoalari, talaba va o'quvchilarining ixtiyoriy ishtiroki asosida 2024-yilning 16-18-mart kunlari **"Obod va fayzli mahalla – yurt ko'rki"** shiori ostida umumxalq xayriya hashari yuqori saviyada o'tkazilsin.

4. Kadrlar bo'limi (S.Mamanazarov), Ma'naviyat va ma'rifat markazi (Sh.Po'lotov) hamda fakultet dekanlari:

Universitet kasaba uyushmasi (M.O'razaliyev) bilan birgalikda umumxalq xayriya hashari mazmun-mohiyatini, ahamiyatini, hashar jamoaviy birlikni ta'minlaydigan umumjamo'a harakati ekanligini xodim va talabalar orasida keng targ'ib qilib ularning ixtiyoriy ishtirok etishlarini ta'minlash choralarini ko'rsin;

umummilliy xayriya hasharida xodim va talabalar ishtirok etadigan hududlarning taqsimotini tayyorlab xodimlarga taqdim etish choralarini ko'rsin;

umummilliy xayriya hashari davomida xodimlarga xush kayfiyat ulashish uchun bayramona kuy va navolar qo'yilishini tashkil etsin.

5. Ekspluatatsiya va ta'mirlash boshqarmasi (I.Bozorov) umumxalq xayriya hashari jarayonida foydalaniladigan ish qurollari, zarur anjom va texnikalarni xodimlarning soniga muvofiq tarzda hozirlash hamda hashar jarayonida to'plangan chiqindilarni belgilangan tartibda olib ketish choralarini ko'rsin.

6. Toshkent davlat yuridik universiteti qoshidagi M.S.Vosiqova nomidagi akademik litsey (Sh.Mahmudov) belgilangan tadbirlarni akademik litseyda yuqori saviyada tashkil etish choralarini ko'rsin.

7. Moliya-iqtisod masalalari bo'yicha prorektor A.Iminov:

"Navro'z" umumxalq bayrami munosabati bilan talabalar uchun ishtirok etadigan talabalar soniga mos ravishda milliy taom - osh damlashni tashkil etish choralarini ko'rsin;

bayram munosabati bilan universitet kasaba uyushmasi (M.O'razaliyev) bilan kelishgan holda xodimlar uchun bayram dasturxonini belgilangan tartib asosida tashkil etish choralarini ko'rsin.

8. Birinchi prorektor A.Xashimhonov:

"Navro'z" umumxalq bayramiga bag'ishlab universitetda o'tkaziladigan barcha tadbirlarni milliy qadriyatlar va an'analarimiz asosida yuqori saviyada tashkil etilishini nazoratga olsin;

bayram munosabati bilan bahoriy taom bo'lgan sumalakni jamoaviy xush kayfiyat bilan, xodim va talabalarni birlashtirgan holda tayyorlanishini nazoratga olsin;

sayllar davomida yangilanish ramzi bo'lgan bahor faslini kuylovchi yangi taraqqiyot davri va rivojlanish istiqbollari madh etuvchi sahnaviy chiqishlarini hamda qo'shiqlarni ijro etilishini, bayram dasturlarini yuqori saviyada tashkil etilishini nazoratga olsin;

sayllar davomida o'zbekona milliy urf-odatlar, hududlarning qadriyatlarini

tarannum etuvchi sahnaviy chiqishlar, bayram dasturxonlari, milliy va bahoriy taomlar chempionatlari, milliy kiyimlar namoyishlari, sport musobaqalari, spartakiadalar tashkil etilishini nazoratga olsin;

bahor fasli kirib kelganligi va “Navro‘z” umumxalq bayrami shukuhini ezgu insoniylik va shukronalik hissi bilan universitetda tarannum ettirish choralarini ko‘rsin.

9. Buxgalteriya (M.Parpiyev) buyruqda belgilangan tadbirlarni tashkil etish bilan bog‘liq xarajatlarni universitetning budjetdan tashqari mablag‘lari hamda homiy va qonunchilikda ta‘qiqlanmagan boshqa mablag‘lar hisobidan xarajatlarni amalga oshirsin.

10. Jamoatchilik va OAV bilan aloqalar bo‘limi (J.Hayradov) Ma‘naviyat va ma‘rifat markazi bilan birgalikda “Navro‘z” umumxalq bayrami munosabati bilan o‘tkaziladigan bayram sayllarini, shu jumladan umumxalq xayriya hashari jarayonlarini OAV orqali keng yoritish, jarayonlar yuzasidan sifatli roliklar tayyorlab universitet sayti va ijtimoiy tarmoqlardagi sahifalari orqali keng yoritish choralarini ko‘rsin.

11. Mazkur buyruq ijrosi nazoratini o‘z zimmamda qoldiraman.

**Rektor v.v.b.**



**I.RUSTAMBEKOV**

Toshkent shahar

## **Kiritildi:**

Direktor

SH.PO‘LOTOV



## **Kelishildi:**

Moliya-iqtisod ishlar bo‘yicha  
prorektor

A.IMINOV



Bosh buxgalter

M.PARPIYEV



Yoshlar masalalari va ma‘naviy-  
ma‘rifiy ishlar bo‘yicha birinchi  
prorektor

A.XASHIMHONOV



Bo‘lim boshlig‘i

S.MAMANAZAROV



Katta yuriskonsult

A.TURSUNOV

